

Efnisorðaráð 16. fundur

Vinnufundur haldinn í Þórshamri við Templarasund 3.11.2005 kl. 13.15 – 14.45

Fundarmenn: Guðný Ragnarsdóttir, Ragna Steinarsdóttir og Þórdís T. Þórarinsdóttir.
Elísabet Halldórsdóttir var forfölluð.

Efni fundarins var að fara yfir tilvísanalista með efnisorðum - frávísunum úr Feng, sem er spurning hvort eigi að fara inn í nafnmyndaskrá Gegnis.

Svið 192 eru valorð

Svið 492 eru frávísanir – Vikorð úr Feng

Svið 592 eru sjá einnig færslur. Þetta eru bæði SH færslur og VH ef \$wh. Ef um SH færslu er að ræða er ekkert í \$w deilisviðinu.

Svið 150 síðari vísir 2 eru MeSH færslur

Fundarmenn byrjuðu að fara yfir 209 síðna skjal með með efnisorðum og frávísunum úr Feng. Teknar voru nokkrar ákvarðanir varðandi ný efnisorð sem Þórdís tók að sér að halda saman í sér skjali.

Mikil vinna er eftir og næsti fundur var boðaður mánudaginn 7. nóvember kl. 13.00 – 17.00 í Þórshamri.

Fundi slitið rétt fyrir 15.00. Fundarritari: Guðný Ragnarsdóttir.

Efnisorðaráð 17. fundur

Vinnufundur haldinn í Þórshamri við Templarasund 7.11.2005 kl. 13.15

Fundarmenn: Guðný Ragnarsdóttir, Ragna Steinarsdóttir og Þórdís T. Þórarinsdóttir.
Elísabet Halldórsdóttir var forfölluð.

Haldið var áfram að yfirfara skjalið efnisorð úr Feng. Teknar voru allmargar ákvarðanir um breytingar á efnisorðalykli og eins og áður er það Þórdís sem heldur utan um þær breytingar.

Viðbótarskilgreiningar:

Svið 151 Landfræðiheiti – valorð

Svið 451 Landfræðiheiti – frávísun

Svið 551 Landfræðiheiti – sjá einnig færslur Þetta eru bæði SH færslur og VH ef \$wh. Ef um SH færslu er að ræða er ekkert í \$w deilisviðinu

Unnið var niður bls. 26 í skjalinu. Næsti fundur boðaður fimmtudaginn 10.11. kl. 13.30-15.45 og þá verður byrjað á bls. 27.

Fundi slitið 17.00. Fundarritari Guðný Ragnarsdóttir

Efnisorðaráð 18. fundur

Vinnufundur haldinn í Þórshamri við Templarasund 10.11. 2005 kl. 13.30

Fundarmenn: Guðný Ragnarsdóttir, Ragna Steinarsdóttir og Þórdís T. Þórarinsdóttir.
Elísabet Halldórsdóttir var forfölluð.

Haldið var áfram að fara yfir skjalið efnisorð úr Feng þar sem frá var horfið á bls. 27. Teknar voru allmargar ákvarðanir um breytingar á efnisorðalykli og sem fyrr heldur Þórdís utan um þær breytingar í sérstöku skjali.

Nokkrar umræður urðu um orðið Barnasögur og Barnabækur. Ákveðið að skoða málið í síðar e.t.v. í tengslum kóðun í 008 sviðinu. Ákveðið var að aftengja Barnasögur að svo stöddu.

Fram kom á fundinum að komið hefði í ljós að kóðunin \$wg í sviðum 592 og 551 (sjá einnig færslur) á að vera \$wh.

Unnið var niður að efnisorðinu Blökkumenn neðst á bls. 43.

Næstu fundir voru boðaðir mánudaginn 21. nóvember kl. 13.30 – 17 og miðvikudaginn 23. nóvember kl. 13.30 – 16.15

Fundi var slitið um kl. 16.00

Efnisorðaráð 19. fundur

Vinnufundur haldinn í Þórshamri við Templarasund 21.11.2005 kl. 13.30

Fundarmenn: Guðný Ragnarsdóttir, Ragna Steinarsdóttir og Þórdís T. Þórarinsdóttir. Elísabet Halldórsdóttir boðaði forföll.

Haldið var áfram að yfirfara skjalið efnisorð úr Feng. Teknar voru allmargar ákvarðanir um breytingar á efnisorðalykli og eins og áður er það Þórdís sem heldur utan um þær breytingar í sérstöku skjali.

Byrjað var neðst á bls. 43 og haldið áfram aftur á bls. 68.
Byrja næst á miðri þeirri síðu.

Fundi slitið rúmlega 17.00

Efnisorðaráð 20. fundur

Vinnufundur haldinn í Þórshamri við Templarasund 27.11.2005 kl. 13.30

Fundarmenn: Guðný Ragnarsdóttir, Ragna Steinarsdóttir og Þórdís T. Þórarinsdóttir. Elísabet Halldórsdóttir boðaði forföll.

Byrjað var að fara yfir vafaatriði varðandi ákvarðanir á undanförunum fundum, síðan var haldið áfram að yfirfara skjalið efnisorð úr Feng. Teknar voru ákvarðanir um breytingar á efnisorðalykli og eins og áður er það Þórdís sem heldur utan um þær breytingar í sérstöku skjali.

Byrjað var á bls. 68 og haldið áfram niður bls. 79.
Byrja næst efst á síðu 80.

Næsti fundur boðaður 5. desember kl. 13.30 í Þórshamri við Templarasund.

Fundi slitið rúmlega 17.00

Efnisorðaráð 21. fundur

Vinnufundur haldinn í Þórshamri við Templarasund 6.12.2005 kl. 13.30

Fundarmenn: Guðný Ragnarsdóttir, Ragna Steinarsdóttir og Þórdís T. Þórarinsdóttir.

Elísabet Halldórsdóttir var forfölluð.

Haldið var áfram að vinna í skjalinu efnisorð úr Feng. Byrjað var á bls. 80 og haldið áfram niður bls. 91. Nokkrar ákvarðanir teknar um ný valorð og breytingar færðar til bókar. Byrja næst efst á síðu 92.

Næsti fundur ákveðinn 12. desember 2005 kl. 13.30 í Þórshamri við Templarasund.

Fundi slitið um kl. 16.35.

Efnisorðaráð 22. fundur

Vinnufundur haldinn í Þórshamri við Templarasund 12.12.2005 kl. 13.30

Fundarmenn: Guðný Ragnarsdóttir, Ragna Steinarsdóttir og Þórdís T. Þórarinsdóttir. Elísabet Halldórsdóttir var forfölluð.

Haldið var áfram að vinna í skjalinu efnisorð úr Feng. Byrjað var á bls. 92 og haldið áfram niður bls. 106. Nokkrar ákvarðanir teknar um ný valorð og breytingar færðar til bókar. Byrja næst efst á síðu 107.

Ákveðið var að boða til fundar með leitarhópi til að kanna möguleika á kóðun t.d. á ráðstefnuritum, skáldsögum og svipuðu efni sem fer illa á að gefa efnisorð eins og ráðstefnur eða skáldsögur þar sem ritin fjalla ekki um ráðstefnuhald eða skáldsagnaritun. Mikilvægt er að þetta verði unnið í samvinnu við landskerfi og leitarhóp.

Ákveðið var að birta skjal t.d. á vef Landskerfis með þeim breytingum sem gerðar hafa verið á efnisorðalyklinum og eftir er að setja inn í nafnmyndagrunninn. Þetta verði gert eftir að nafnmyndagrunnur hefur verið gerður virkur.

Næstu tveir fundir voru ákveðnir 19. desember kl. 13.30 – 16.00 og 28. desember kl. 10-12.30

Fundi slitið um kl. 17.00

Efnisorðaráð 23. fundur

Vinnufundur haldinn í Þórshamri við Templarasund 19.12.2005 kl. 13.30

Fundarmenn: Guðný Ragnarsdóttir, Ragna Steinarsdóttir og Þórdís T. Þórarinsdóttir. Elísabet Halldórsdóttir var fjarverandi.

Haldið var áfram að vinna í skjalinu efnisorð úr Feng. Byrjað var á bls. 107 og haldið áfram niður bls. 117. Nokkrar ákvarðanir teknar um ný valorð og breytingar færðar til bókar. Byrja næst efst á síðu 118.

Næsti fundur verður 28. desember kl. 10-12.30 eins og áður hafði verið boðað

Fundi slitið um kl. 16.00

Efnisorðaráð 24. fundur

Vinnufundur haldinn í Þórshamri við Templarasund 28.12.2005 kl. 10.00

Fundarmenn: Guðný Ragnarsdóttir, Ragna Steinarsdóttir og Þórdís T. Þórarinsdóttir. Elísabet Halldórsdóttir var fjarverandi.

Ný nafnmyndaskrá í Gegni rædd. Ljóst er að eftir að kerfinu var breytt, verður erfiðara að vinna við endurskoðun efnisorðanna. Ragna ætlar að athuga hvort hægt er að fá útskrift af 690 sviðinu hjá Dögg.

Haldið var áfram að vinna í skjalinu efnisorð úr Feng. Byrjað var á bls. 118 og haldið áfram niður bls. 128. Nokkrar ákvarðanir teknar um ný valorð og breytingar. Þórdís heldur þeim ákvörðunum áfram til haga í sérstöku skjali. Byrja næst efst á síðu 129.

Næsti fundur var ákveðinn 9. janúar kl. 13.30

Fundi slitið um 12.30

Efnisorðaráð 25. fundur

Vinnufundur haldinn í Þórshamri við Templarasund 16. janúar 2006 kl. 13.30

Fundarmenn: Guðný Ragnarsdóttir, Elísabet Halldórsdóttir, Ragna Steinarsdóttir og Þórdís T. Þórarinsdóttir.

Fundinum sem vera átti 9. janúar hafði verið frestað til 16. janúar.

Elísabet Halldórsdóttir var boðin velkomin til starfa á ný.

Farið var í gegnum breytingar á nafnmyndaskránni. Nú er hægt að breyta mörgu varðandi nafnmyndir jafnóðum og unnið er, en áfram þarf þó að fara í gegnum færslur þar sem efnisorðagjöf er óljós eða þar sem breytingar eru gerðar á lyklinum með það fyrir augum að gera efnisorðagjöf markvissari og nákvæmari. Mikil vinna er eftir í því að greiða í sundur færslur og Ragna kemst ekki yfir nema brot af því eins og ástand mála er nú.

Haldið var áfram að vinna í skjalinu efnisorð úr Feng. Byrjað var á bls. 129 og haldið áfram niður bls.133. Nokkrar ákvarðanir teknar um ný valorð og breytingar. Þórdís heldur þeim ákvörðunum áfram til haga í sérstöku skjali. Byrja næst efst á síðu 134.

Samþykkt var að Elísabet tæki að sér að laga efnisorð tengd Köfun og breytingum sem urðu á því s.s. til að greina á milli með efnisorðunum Sportköfun, Djúpköfun og Köfunartækni.

Elísabet skoðar einnig færslur tengdar efnisorðunum Landhelgi, Efnahagslögsögu og Fiskveiðilögsögu.

Elísabet tekur að sér að fara í gegnum allar færslur með efnisorðinu Sýningar og greinir á milli með efnisorðunum Leiksýningar og Vörusýningar. Þeim færslum sem eru eftir með efnisorðinu Sýningar verður síðan hægt að breyta í gegnum nafnmyndaskrána í efnisorðið Myndlistarsýningar.

Fundi slitið um kl. 16.10 – Næsti fundur boðaður 30. janúar kl. 13.30.

Efnisorðaráð 26. fundur

Vinnufundur haldinn í Þórshamri við Templarasund 30. janúar 2006 kl. 13.30

Fundarmenn: Guðný Ragnarsdóttir, Elísabet Halldórsdóttir, Ragna Steinarsdóttir og Þórdís T. Þórarinsdóttir.

Haldið var áfram að vinna í skjalinu efnisorð úr Feng. Byrjað var á bls. 134 og haldið áfram niður bls.136. Nokkrar ákvarðanir teknar um ný valorð og breytingar. Þórdís heldur þeim ákvörðunum áfram til haga í sérstöku skjali.

Byrja næst á miðri síðu 136.

Elísabet tekur að sér að skoða færslur með efnisorðinu Lestrarbækur. Fundarmenn voru sammála um að merking þess efnisorðs væri kennslubækur í lestri. Elísabet mun einnig taka orðið léttlestrarbækur út úr færslum eftir því sem við á.

Elísabet er búin að fara í gegnum efnisorð tengd köfun og er langt komin með Sýningar.

Ragna tekur að sér að fara í gegnum efnisorðin Híbýlahættir/Húsakynni/Lífshættir.

Tillaga var gerð um að næsti fundur yrði 8. febrúar kl. 13.30.

Fundi slitið um kl. 15.45.

Efnisorðaráð 27. fundur

Vinnufundur haldinn í Þórshamri við Templarasund 20. febrúar 2006 kl. 13.30

Fundarmenn: Guðný Ragnarsdóttir, Elísabet Halldórsdóttir, Ragna Steinarsdóttir og Þórdís T. Þórarinsdóttir.

Í upphafi fundar var rætt hvernig fara ætti að því að koma breytingum á Kerfisbundnum efnisorðalykli á framfæri. Stefnir hefur verið að því að klára yfirferð yfir skjalið úr Feng og birta síðan breytingar á vef Landskerfis. Sérlega varðar forrit til efnisorðavinnu. Ragna tók að sér að gera tillögu að bréfi til að upplýsa skrásetjara og aðildarsöfn Gagnis um stöðu mála varðandi efnisorðavinnuna.

Þórdís sagði frá fundi með forsvarsmönnum Spurl um hugsanlega samvinnu.

Haldið var áfram að vinna í skjalinu efnisorð úr Feng. Byrjað var á bls. 136 og haldið áfram nánast niður síðu 142.. Nokkrar ákvarðanir teknar um ný valorð og breytingar. Þórdís heldur þeim ákvörðunum áfram til haga í sérstöku skjali.

Byrja næst orðinu málmeðvitund neðst á síðu 142.

Ragna tók að sér að fara í gegnum efnisorðið heilsurækt, sem er vikorð, og laga færslur.

Elísabet ætlar að fara í gegnum færslur sem bera efnisorðið útrýmingarhætta.

Elísabet ætlar að athuga færslur með efnisorðinu lyfjafraeði og Ragna færslur með efnisorðinu lyf.

Ragna tekur að sér færslur með efnisorðinu tilhugalíf.

Ragna tekur einnig að sér að skoða færslur með efnisorðinu geisladiskar með tilliti til forms en Elísabet ætlar að skoða notkun orðsins hjá Borgarbókasafni.

Rætt var um nauðsyn þess að skilja á milli bókmenntaforms og bókmenntaumfjöllunar, þar sem bókmenntaform með svigagrein færi í svið 655 en umfjöllun um bókmenntir í svið 650. Sama umræða kom upp í tengslum við geisladiska.

Fundi slitið um 15.45.

Næsti fundur ákveðinn fimmtudaginn 2. mars. kl. 13.30.

Efnisorðaráð 28. fundur

Vinnufundur haldinn í Þórshamri við Templarasund 2. mars 2006 kl. 13.30

Fundarmenn: Guðný Ragnarsdóttir, Elísabet Halldórsdóttir, Ragna Steinarsdóttir og Þórdís T. Þórarinsdóttir.

Haldið var áfram að vinna í skjalinu efnisorð úr Feng. Byrjað var neðarlega á bls. 142 og haldið áfram nánast niður síðu 151. Nokkrar ákvarðanir teknar um ný valorð og breytingar. Þórdís heldur þeim ákvörðunum áfram til haga í sérstöku skjali. Byrja næst orðinu orkuver neðst á síðu 151.

Elísabet tók að sér að fara yfir Alþjóðasamningar, Milliríkjasamninga og Þjóðréttarsamninga með tilliti til þessara nýju efnisorða og UL þeirra (einnig með tilliti til efnahagslögsögu). Ragna skoðar færslur með efnisorðinu Ofvirkni með tilliti til nýs efnisorðs ADHD.

Fundi slitið um 16.15.

Næsti fundur var ákveðin í Þjóðarbókhöfðu, kennslustofu á 2. hæð, mánudaginn 6. mars kl. 13.30.

Efnisorðaráð 29. fundur

Vinnufundur haldinn í kennslustofu á 2. hæð í Þjóðarbókhöfðu 6. mars 2006 kl. 13.30

Fundarmenn: Guðný Ragnarsdóttir, Elísabet Halldórsdóttir, Ragna Steinarsdóttir og Þórdís T. Þórarinsdóttir.

Haldið var áfram að vinna í skjalinu efnisorð úr Feng. Byrjað var neðst á bls. 151 og haldið áfram niður síðu 160. Nokkrar ákvarðanir teknar um ný valorð og breytingar. Þórdís heldur þeim ákvörðunum áfram til haga í sérstöku skjali. Byrja næst efst á síðu 161.

Ákveðið var að geyma umfjöllun um orðið orkuver og tengd orð, t.d. raforkuver rafmagnsveitur og ýmsar tegundir virkjana. Leitað verður eftir upplýsingum og samvinnu við Orkuveituna.

Einnig var ákveðið að afla betri upplýsingar um orð tengd prentiðnaði, t.d. prentsmíði, prentlist (prentiðn?) og bókagerð.

Að sama skapi var ákveðið að geyma umfjöllun um efnisorðin rafmagn og rafstraum þar til betri upplýsingar fást. Ákveðið var að Ragna færi í gegnum orðið Rafmagn m.t.t. rafstraums og skoða síðan betur það se eftir stendur. Einnig þarf að athuga tengslin við orðið Raforka sbr. umfjöllun um raforkuver og rafmagnsveitur.

Ragna tók að sér að breyta orðunum rafsúða og logsúða í málmsúða.

Elísabet tók að sér að fara í gegnum efnisorðið ríkisfjármál og tína út umfjöllun um fjárlög og gefa efnisorðið fjárlög.

Framtíðarfundartími ræddur, þar sem mánudagar henta illa á næstunni m.a. vegna vöntunar á fundaraðstöðu. Næsti fundur var ákveðinn í Þórshamri við Templarasund miðvikudaginn 15. mars kl. 9.30.

Fundi slitið um kl. 16.20

Efnisorðaráð 30. fundur

Haldinn í Þórshamri við Templarasund 16. mars kl. 09.30

Fundarmenn: Guðný Ragnarsdóttir, Ragna Steinarsdóttir og Þórdís T. Þórarinsdóttir. Elísabet Halldórsdóttir var veik.

Meginefni fundarins var að undirbúa innlegg efnisorðaráðs á fundi fyrir skrásetjara í Þjóðarbókhöðu 17. mars kl. 13.00.

Guðný tekur að sér að vera með inngangserindi þar sem starf efnisorðaráðs er kynnt og Ragna Steinarsdóttir verður með glærur og sýnidæmi um val á efnisorði og val á sviði.

Farið var yfir innlegg Guðnýjar og glærur Rögnu, efnisatriði rædd og gerðar leiðréttingar.

Fundi slitið um kl. 11.20

Efnisorðaráð 31. fundur

Haldinn í Þórshamri við Templarasund 29. mars kl. 09.30

Fundarmenn: Guðný Ragnarsdóttir, Ragna Steinarsdóttir og Þórdís T. Þórarinsdóttir. Elísabet Halldórsdóttir var veik.

Fundurinn hófst á því að farið var yfir nokkur vafaatriði sem útaf hafa staðið í vinnunni undanfarið:

Guðný tók að sér að athuga hvort munur væri á serbókróatísku, króatísku og serbnesku.

Ragna tók að sér að athuga efnisorðið algóritma, reiknirit og samheiti, þ.e. hvaða orð væri algengast/rétt að nota.

Einnig tók Ragna að sér að athuga hvort algengast/rétt væri að nota bakteríur eða gerla.

Tekin var ákvörðun um að aðgreina Sagnaritun í sagnaritun (fornbókmenntir) og sagnaritun (sagnfræði). Auður mun taka að sér að aðgreina færslur í Gegni.

Haldið var áfram að vinna í skjalinu efnisorð úr Feng. Byrjað var á bls. 161 og haldið áfram að síðu 166 (síðasta umfjöllunarorð þar var sjamanismi). Nokkrar ákvarðanir teknar um ný valorð og breytingar. Þórdís heldur þeim ákvörðunum áfram til haga í sérstöku skjali.

Ragna tekur að sér að fara í gegnum færslur í Gengi með efnisorðinu þjóðlegur fróðleikur.

Ragna tekur að sér að fara í gegnum færslur í Gegni sem hafa efnisorðin landnám með það fyrir augum að aðgreina í Landnám Íslands og landnám (samfélag).

Ragna tekur að sér að fara í gegnum færslur með efnisorðunum Bréfaskrifitir og bréfitun (valorð)

Guðný tekur að sér að vinna grein í Fregnir upp úr erindi á fundi skrásetjara í Þjóðarbóklöðu 16. mars sl.

Ragna tekur að sér að senda skjal með breytingum á Kerfisbundnum efnisorðalykli til Hörpu til að birta á vef Landskerfis bókasafna.

Til umhugsunar fyrir næsta fund: Að nota fyrir Allah – Guð Íslam o.s.frv. t.d. Guð Kristni

Fundi slitið um kl. 11.30

Næsti fundur boðaður að viku liðinni miðvikudaginn 5. apríl kl. 9.30 í Þórshamri.

Efnisorðaráð 32. fundur

Haldinn í Þórshamri við Templarasund 5. apríl kl. 09.30

Fundarmenn: Guðný Ragnarsdóttir, Elísabet Halldórsdóttir, Ragna Steinarsdóttir og Þórdís T. Þórarinsdóttir.

Bróðurpartur fundarins fór í að fara yfir vafaatriði og efnisorð þeim tengd, einkum á sviði löggjafarvalds og kosninga.

Ragna tók að sér að fara í gegnum Kosningar og Alþingiskosningar með tilliti til þess að tímasetja þær.

Ragna tekur að sér að fara í gegnum Löggjöf með tilliti til lagasetningar og laga. Hefur samband við Guðnýju og Viggó eftir því sem tilefni gefst.

Elísabet lagar frumvörp með tilliti til þingstarfa og þingmála.

Elísabet tekur að sér að fara í gegnum safnafræði með tilliti til þess að gefa efnisorðið sýningarhönnun, þar sem safnafræði er mjög stór flokkur.

Lokið var að fara niður síðu 166 í skjalinu. Byrja næst efst á síðu 167.

Fundi slitið um kl. 11.30.

Næstu fundir voru ákveðnir þriðjudagana 11 og 18. apríl kl. 13.00 báða dagana í Þórshamri við Templarasund.

Efnisorðaráð 33. fundur

Haldinn í Þórshamri við Templarasund 11. apríl kl. 13.00

Fundarmenn: Guðný Ragnarsdóttir, Elísabet Halldórsdóttir, Ragna Steinarsdóttir og Þórdís T. Þórarinsdóttir.

Fyrri hluti fundarins fór í að fara í gegnum vafaatriði og vandamál vegna yfirferðar og leiðréttinga.

Samþykkt var að Elísabet færi í gegnum Eftirlit með það fyrir augum að taka efnisorðið út þar sem það á ekki við og velja önnur efnisorð í staðinn. Á næsta fundu verður síðan farið yfir það sem eftir stendur.

Ragna ætlar að fara í gegnum skákþrautir N TAFLÞRAUTIR og hreinsa þar út efnisorðið Skák. Mikið er um víddarlyklun þarna.
Síðan þarf að fara í gegnum efnisorðið SKÁK en það verður að bíða betri tíma. Þar er mikið verk óunnið.

Elísabet ætlar að fara í gegnum Alþýðumenningu og Ragna ætlar að senda Lofti Guttormssyni póst til að fá frá honum skilgreiningu á Alþýðumenningu.

Unnið var niður bls. 170 í skjalinu. Næst verður byrjað á bls. 171.

Fundi slitið um kl. 16.00.

Næsta fundartíma breytt – Fundurinn verður haldinn í Þórshamri kl. 9.30 þriðjudaginn 18. apríl.

Efnisorðaráð 34. fundur

Haldinn í Þórshamri við Templarasund 18. apríl kl. 09.30

Fundarmenn: Guðný Ragnarsdóttir, Elísabet Halldórsdóttir, Ragna Steinarsdóttir og Þórdís T. Þórarinsdóttir.

Byrjað var á að fara yfir nokkur vafaatriði.

Skoðaðar voru færslur með Alþýðumenningu og ákveðið í kjölfarið að taka orðið inn í lykilinn.

Skoðaðar voru færslur með þjóðlögum og þjóðkvæðum – ekki tekin ákvörðun um að bæta þjóðkvæðum í lykilinn að svo komnu máli.

Farið var yfir færslur með orðinu öryggismál í merkingunni varnir lands, en töluverðs misskilnings gætir í lyklun, þar sem margir nota orðið í merkingunni slysavarnar. Ákveðið var að breyta öryggismál í öryggismál þjóða og Elísabet tekur út landvarnir í kjölfarið og Ragna ætlar að fara í gegnum færslurnar sem hafa efnisorðið öryggismál áður en valorðinu verður breytt.

Ragna tekur að sér að fara í gegnum færslur með efnisorðinu ástvinamissi.

Elísabet fer í gegnum og lagar færslur með efnisorðinu sorpi og skyldum heitum.

Ragna ætlar að skoða færslur með efnisorðinu sprengjur með tilliti til nýs PH: jarðsprengjur.

Taka þarf sérstakan fund í umfjöllun um efnisorð sem tengjast Atvinnu... og starf... Þó var ákveðið nýtt efnisorð Atvinnuleit undir atvinnumál.

Ragna tók að sér að fara í gegnum efnisorðin Markmið og Steinar.

Fara þarf sérstaklega í gegnum efnisorðið stjórnun og þrengri heiti, m.a. m.t.t. orða eins og rekstrarstjórnun og fjármálastjórnun. Fá þarf álit sérfræðinga. Þó var orðið Ákvarðanataka sett inn í lykilinn sem nýtt valorð.

Ragna tók að sér að skoða orð sem byrja á stjúp..

Unnið var niður bls. 178. Byrja næst efst á síðu 179.

Næsti fundur var boðaður 25. apríl kl. 9.30 í Þórshamri við Templarasund.

Efnisorðaráð 35. fundur

Haldinn í Þórshamri við Templarasund 25. apríl kl. 09.30

Fundarmenn: Guðný Ragnarsdóttir, Elísabet Halldórsdóttir, Ragna Steinarsdóttir og Þórdís T. Þórarinsdóttir.

Fundurinn hófst á því að farið var yfir vafaatriði og nokkrar ákvarðanir teknar um ný og breytt efnisorð sem Þórdís færði til bókar.

Elísabet tekur að sér að taka efnisorðið Æviágrip út úr færslum þar sem átt er við Ferilskrár og skipta því út.

Ragna tekur að sér að fara í gegnum Ungbarnadauða m.t.t. Barnamissis.

Ragna tekur að sér að fara í gegnum Farsóttir og Endurnýtingu.

Einnig ætlar Ragna að skoða færslur með efnisorðinu Öryggi sjófarenda m.t.t. Öryggisreglna.

Ragna tekur að sér að fara í gegnum Bólusótt, Kúabólu og Ár og setja viðeigandi efnisorð.

Ákveðið var að sækja um kennitölu fyrir Efnisorðaráð til að hægt sé að stofna bankareikning fyrir ráðið. Aðkallandi er að koma afgangsfé af ráðstefnunni sl. vor á reikning ráðsins.

Fyllt voru út eyðublöð og greitt fyrir kennitöluna. Ragna tók að sér að koma umsókninni til Ríkisskattstjóra.

Unnið var aftur að Stöðuvötn/Jökullón á miðri síðu 180.

Fundi slitið um 11:45

Næsti fundur var boðaður í Þórshamri við Templarasund 2. maí kl. 9.30

Efnisorðaráð 36. fundur

Haldinn í Þórshamri við Templarasund 2. maí kl. 09.30

Fundarmenn: Guðný Ragnarsdóttir, Elísabet Halldórsdóttir, Ragna Steinarsdóttir og Þórdís T. Þórarinsdóttir.

Fundurinn hófst á því að farið var yfir nokkur vafaatriði.

Ragna tók að sér að fara í gegnum Svani og Álftir

Elísabet og Ragna taka að sér að fara í gegnum Myndasögur með það fyrir augum að gefa annarsvegar efnisorðið Teiknimyndasögur og hinsvegar Myndasögur fyrir fullorðna eftir því sem við á.

Ragna tekur að sér að taka út Myndabækur af barnabókafærslum og gefa efnisorðið Ljósmyndabækur eftir því sem við á. Ákveðið var að orðið Myndabækur ætti ekki heima í lyklinum.

Ragna tekur að sér að hringja í Íslenska málstöð til að fá upplýsingar um æskilega stafsetningu á Taílandi / Taíenska, Tæland/Tælenska, Thailand/Thailenska.

Ragna fer í gegnum 5 færslur með efnisorðinu Blæðingar og leiðréttir.

Ragna breytir efnisorðinu Botnvarpa í Botnvörpur.

Ragna skoðar færslur með efnisorðinu Afþreying.

Guðný talar við Tómas um hvernig eigi að afmarka efnisorðin Alþjóðasamningar (eru það t.d. Evrópusamningar), Milliríkjasamningar og Þjóðréttarsamningar.

Þórdís færði til bókar breytingar á lykli.

Unnið var niður bls. 188 í skjalinu. Byrja næst efst á bls. 189.

Næsti fundur ákveðin í Þórshamri við Templarasund miðvikudaginn 10. maí kl. 9.30.

Efnisorðaráð 37. fundur

Haldinn í Þórshamri við Templarasund 11. maí kl. 09.30

Fundarmenn: Guðný Ragnarsdóttir, Elísabet Halldórsdóttir, Ragna Steinarsdóttir og Þórdís T. Þórarinsdóttir.

Haldið var áfram að fara í skjalið þar sem frá var horfið.

Fjallað var um messusöng, kirkjutónlist og trúarlega tónlist. Guðný talar við Hörð Áskelsson til að fá skilgreiningar.

Ragna fer í gegnum Kristið trúarlíf og breytir í Kristni annarsvegar og Trúarlíf hinsvegar eftir því sem við á og fer svo í gegnum Trúarlíf og hreinsar út ranga efnisorðagjöf áður en ákvörðun er tekin um efnisorð í lykli.

Rætt var um tækni- og glasafrjóvganir og gerðar breytingar á lykli. Elísabet tók að sér að fara í gegnum tæknifrjóvganir með tilliti til nýrra efnisorða.

Ragna fer í gegnum færslur með efnisorðinu landvernd, sem er vikorð undir umhverfisvernd. Umhverfisstjórnun er nýtt efnisorð og Ragna lagfærir færslur þar sem það efnisorð á heima.

Farið var niður bls. 191. Byrja næst efst á bls. 192.

Næsti fundur var ákveðinn í Þórshamri við Templarasund miðvikudaginn 17. maí 2006 kl. 9.30.

Efnisorðaráð 38. fundur

Haldinn í Þórshamri við Templarasund 18. maí kl. 09.30

Fundarmenn: Guðný Ragnarsdóttir, Elísabet Halldórsdóttir, Ragna Steinarsdóttir og Þórdís T. Þórarinsdóttir.

Eftirhreytur: Guðný talar við Tómas H. Heiðar vegna Evrópusamninga / Milliríkjasamninga/ Fjölpjóða- eða Alþjóðasamninga / Þjóðarréttarsamninga.

Haldið var áfram að vinna í skjalinu þar sem frá var horfið.

Ragna fer yfir bálfarir.

Full þörf er líka á því að fara í vikorð fyrir Útfararsíði og taka upp ný valorð. Það verður þó að bíða betri tíma.

Elísabet tekur að sér að fara yfir og setja ný valorð við færslur sem ættu að hafa efnisorðin Hesthús, Fjós, Fjánhús og Hlöður.

Ragna fer í gegnum Blóðsugur og leiðréttir ranga efnisorðagjöf.

Elísabet sundrar Efnisfræði og tekur út svigagreinarog skoðar Efni.

Ragna fer í gegnum Aðbúnað og tekur út.

Ræddur var flutningur náttúrufræðisafna í Gegni og pörun og flutningur efnisorða í tengslum við það.

Ragna ætlaði að tékka á hvernig gengi að fá kennitölu fyrir ráðið.

Byrja næst efst á bls. 200.

Næsti fundur var ákveðinn miðvikudaginn 31. maí kl. 14 – 17.

Efnisorðaráð 39. fundur

Haldinn í Þórshamri við Templarasund 31. maí kl. 14.00

Fundarmenn: Guðný Ragnarsdóttir, Elísabet Halldórsdóttir, Ragna Steinarsdóttir og Þórdís T. Þórarinsdóttir.

Eftirhreytur: Rætt var um Kirkjutónlist, og tengd heiti. Gerðar voru breytingar á lykli. Elísabet byrjar að fara í gegnum helgisöngva, messur, messusöngva, helgitónlist, sálmasöng og safnaðarsöng.

Byrjað var efst á bls. 200 í efnisorðaskjalinu.

Ragna fer í gegnum Atvinnurekendur og lagar.

Ragna tékkar á ýmsum víðitegundum og athugar hvort til séu færslur fyrir þær. Gott er að hafa hliðsjón af vefnum <http://www.floraislands.is>

Ragna fer í gegnum Steinefni og leiðréttir það sem ekki tengist næringarfærði og ætti að vera Steindir. Ragna fer einnig í gegnum Bætiefni.

Samþykkt var að geyma til betri tíma efnisorðin Mýrlendi og Tjarnir sem eru vikorð undir Votlendi.

Ragna fer í gegnum Vörumerki með tilliti til einkennismerkja (logo).

Ragna fer í gegnum Alþýðutónlist með tilliti til Þjóðlegrar dægurtónlistar.

Ragna fer í gegnum Þjóðtrú með tilliti til Hjátrúr.

Byrja næst á Mansali á bls. 206.

Næsti fundur var ákveðinn miðvikudaginn 7. júní kl. 9.30 í Þórshamri við Templarasund.

Efnisorðaráð 40. fundur

Haldinn í Þórshamri við Templarasund 7. júní 2006.

Fundarmenn: Guðný Ragnarsdóttir, Ragna Steinarsdóttir og Þórdís T. Þórarinsdóttir.

Senda þarf nýja umsókn um kennitölu vegna þess að lög efnisorðaráðs stóðust ekki kröfur RSK. Guðný tekur að sér að koma með tillögu um ný lög skv. fyrirmynd. Senda þarf nýja umsókn til RSK.

Byrjað var þar sem frá var horfið á bls. 206 – Þrælahald / Mansal. Mansali bætt inn sem nýju efnisorði. Ragna tekur að sér að fara yfir færslur með efnisorðinu Þrælahald með tilliti til Mansals.

Ragna tekur að sér að far í gegnum færslur með efnisorðinu Aðdráttarafl jarðar með tilliti til Þyngdarafls.

Ragna tekur að sér að kanna hjá Íslenskri málnefnd hvort rétt sé að hafa R í heimilda(r)kvikmyndir og bæja(r)nöfn.

Þar með er lokið við að fara yfir skjalið með tilvísunum úr Feng.

Skv. tillögu í 693 sviði var tekið upp orðið Brotþolar í lykilinn. Ragna fer í gegnum færslur með efnisorðinu Fórnarlömb með tilliti til þess.

Næsti fundur er ráðgerður með haustinu að loknum sumarleyfum.

Fundi slitið um kl. 11.45.